



TOSHKENT DAVLAT YURIDIK UNIVERSITETI REKTORINING B U Y R U G ' I

02.02.2023

57-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning bir qator talabalari tomonidan Toshkent davlat yuridik universitetining Odob-axloq kodeksi va Ichki tartib qoidalari (ichki mehnat tartibi qoidalari)ni buzish holatlari kuzatilmoqda.

Jumladan, joriy yilning 30-yanvar kuni sirtqi ta'lim shakli 1-kurs B potok 1-guruh talabalari uchun Huquqiy axborot texnologiyalari fani bo'yicha olib borilgan dars mashg'uloti vaqtida pedagog xodimning ruxsatisiz talaba Temirov Muxammadalijon Shuxrat o'g'li o'zining shaxsiy kompyuterida "GTA" o'yinini o'ynagan hamda ushbu jarayonni uning mobil telefoniga rasmga tushirishni guruhidagi talaba Abduqahhorov Rustambek Ulug'bek o'g'lidan iltimos qilgan va R.Abduqahhorov uning iltimosini bajargan va jarayonni rasmga tushirgan. Shundan so'ng talaba M.Temirov mazkur rasmlarni o'zining "Instagram" ijtimoiy tarmog'idagi sahifasiga qo'yadi. Ushbu rasmlar ijtimoiy tarmoqda 1 soatga yaqin vaqt mobaynida turadi. M.Temirovga do'stlari aloqaga chiqib ushbu qilgan ishi noto'g'ri ekanligini aytganidan so'ng u rasmlarni tarmoqdan o'chiradi. Ijtimoiy tarmoqda turgan vaqtida ushbu rasmlar noma'lum shaxslar tomonidan "Telegram" ijtimoiy tarmog'idagi "Molxona" guruhiga yetkazilgan va ushbu guruh orqali ijtimoiy tarmoqqa "Huquqiy axborot texnologiyalari darsi vaqtida GTA o'ynash qanchalar mazza-da, a!... Balki onlayn orqali o'ynayotgan bo'lsa-chi, o'qituvchi o'quvchini "strip-klub"da kutayotgan bo'lsa-ya!? Holat: TDYU" degan so'zlar bilan tarqatiladi.

Ushbu holat yuzasidan talabalar M.Temirov va R.Abduqahhorovlardan tushuntirish xati olindi va ularning ota-onalariga holat yetkazilib, tegishli suhbat o'tkazildi.

Mazkur harakatlari bilan M.Temirov va R.Abduqahhorovlar Toshkent davlat yuridik universiteti Odob-axloq kodeksi 26-moddasining sakkizinchi xatboshisi

(universitet obro‘-e‘tibori va nufuziga dog‘ tushiradigan har qanday harakatlarni sodir etishdan o‘zini tiyish), 27-moddasi “a” kichik bandining o‘n birinchi xatboshisi (dars vaqtida gaplashmaslik hamda dars mashg‘ulotiga taalluqli bo‘lmagan ishlar bilan shug‘ullanmaslik) va o‘n to‘rtinchi xatboshisi (mashg‘ulotlar davomida ovqatlanmaslik, saqich chaynamaslikka, shuningdek shaxsiy kompyuter va boshqa kommunikatsiya vositalaridan faqat pedagog xodim ruxsati bilan foydalanish)da belgilangan qoidalarini buzgan.

Yuqoridagilarni inobatga olgan holda Oliy ta‘lim to‘g‘risidagi nizom (ro‘yxat raqami 1222, 2003 yil 22 fevral), universitet Odob-axloq kodeksi va universitet rektorining 2021-yil 1-martdagi 08-44-son buyrug‘i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda Magistratura va sirtqi ta‘lim fakulteti dekanining taqdimnomasiga muvofiq,

BUYURAMAN:

1. Sirtqi ta‘lim shakli bo‘yicha 60420100 – Yurisprudensiya (faoliyat turlari bo‘yicha) ta‘lim yo‘nalishi 1-kurs B potok 1-guruhi (ta‘lim tili – o‘zbek) talabalari Temirov Muxammadalijon Shuxrat o‘g‘li va Abduqahhorov Rustambek Ulug‘bek o‘g‘lilarga hayfsan e‘lon qilinsin.

2. Magistratura va sirtqi ta‘lim fakulteti dekani A.Babadjanov:
ushbu buyruq bilan talabalarni tanishtirsin;
talabalarining shaxsiy hujjatlar yig‘majildiga buyruq nusxasi tikilishini ta‘minlasin.

3. Mazkur buyruq ijrosining nazoratini o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

A.BABADJANOV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

